

Verbâl de riunion dal Consei Gjenerâl dai 20 di Dicembar dal 2019

Clamât adun cun letare prot. 511/19 dai 22 di Novembar dal 2019, vinars ai 20 di Dicembar dal 2019 aes cinc sore sere si à dât dongje a Udin, te sede di vie Manin 18, il Consei Gjenerâl de Societât Filologjiche Furlane, par discuti dal ordin dal dì metût ca sot:

1. Leture e aprovazion dal verbâl de volte prime;
2. Comunicazions dal President;
3. Nomine dai Socis Benemerits;
4. Nomine des Comissions de Societât;
5. Setemane de culture furlane 2020;
6. Propuestis dai conseîrs;
7. Variis.

Ae clamade dal President Federico Vicario a rispuindin i conseîrs:

Bellina, Bortolussi, Bressan, Bulfon, Carlon, Castenetto, Cinausero Hofer, Colussi, Cossar, Del Fabbro, Della Mora, Grossutti, Lorenzini, Madriz, Mariuz, Mitri, Montico, Moro, Pascoli, Pastres, Petris, Pugnetti, Radivo, Ruffini, Sclipa, Sello, Tilatti, Varutti Elio, Venuti, Vidoni, Zanello.

Si son justificâts:

Chiarandini, Contin, Franco, Frisano, Janežič, Medeossi, Menegoz, Michellut, Muzzatti, Padovani, Pagnucco, Perini, Pezzarini, Portelli, Sluga, Tassin, Taverna, Varutti Marta, Visintin.

No son:

Aita, Angeli, Bello, Castellarin, Cozzi, Davide, del Torre, Di Bernardo, Donada, Fadelli, Finco, Garzoni, Lovison, Miotto, Percotto, Romanzin, Roncali, Tirelli, Venier.

PONT NUMAR 1 DAL O.D.D.:

Leture e aprovazion dal verbâl de volte prime.

Il President al lei il verbâl de riunion dal Consei Gjenerâl dai 6 di Avrîl dal 2019. Il verbâl al ven fat bon a la unanimitât.

PONT NUMAR 2 DAL O.D.D.:

Comunicazions dal President.

Il President al inzorne il Consei cun rivuart a:

- lis iniziativa inmaneadis de Societât pes celebrazions dal Centenari;
- i premis che a son stâts conferîts ae Societât (*Rusticitas* di bande de Associazion Pre Gilberto Pressacco, *Nadâl Furlan* dal Circul Laurenzian di Buje);

- lis manifestazions e lis iniziativis inmaneadis intai ultins timps;
- lis publicazions e lis rivistis publicadis e chês daûr a jessi publicadis.
- i progjets de Filologjiche ch'a son in vore.

Il Consei al Cjape at.

PONT NUMAR 3 DAL O.D.D.:

Nomine dai Socis Benemerits.

Il President al propon la nomine a Socis Benemerits de Societât:

- Novella Del Fabbro;
- Gian Paolo Gri;
- Paolo Goi,
- Odorico Serena;
- Carlo Zoldan.

Il Consei al fâs buine la propueste a la unanimitât.

PONT NUMAR 4 DAL O.D.D.:

Nomine des Comissions de Societât.

Il President al ricuarde che il gnûf statût al proviôt che la istituzion des Comissions e spiete al Uffici di Presidence, dut câs si intint cundividi la sielte cul Consei Gjenerâl.

In particolâr si intint proviodi la costituzion des comissions:

- scuele;
- bens culturâi;
- promoziun de lenghe furlane;
- publicazions.

Ruffini e interven proponint che ogni coordinadôr de comission al vedi di riferî almancul une volte al an al Consei, e e propon ancje l'inviament di un cors a nivel avanzât di lenghe furlane, e di meti dongje i fogolârs furlans.

Tilatti al propon che la comission des publicazions e sedi fate di ducj i referents di dutis lis comissions.

Lis propuestis a vegnin fatis buinis dal Consei.

PONT NUMAR 5 DAL O.D.D.:

Setemane de culture furlane 2020.

Il President al informe che la prossime Setemane de Culture Furlane si davuelzarà dai 7 ai 17 di Mai dal 2020, pai inovâi che a colin tal 2020 e al invide i conseîrs a presentâ propuestis par iniziativis.

La Fraie de Vierte, che e sierarà la Setemane, si davuelzarà a Vît.

PONT NUMAR 6 DAL O.D.D.:

Propuestis dai conseîrs.

Del Fabbro e propon di tignî il congrès 2023 a Tumieç.

Il Consei Gjenerâl al fâs buine la propueste a la unanimitât e al da mandât al Uffici di Presidence di cjàpâ contats cu la aministrazion tumiecine par verificâ la disponibilitât.

PONT NUMAR 7 DAL O.D.D.:

Variis.

Nuie ce segnalâ.

La riunion si siere aes 18.10.

Il segretari verbalizant

Feliciano Medeot